

四庫全書

子部

欽定四庫全書

子部

圖書編卷五十九

詳校官中書臣孫衡

主事臣祁韻士覆勘

總校官進士臣朱鈐

校對官主事臣陳墉

謄錄監生臣王路

繪圖監生臣董椿

欽定四庫全書

圖書編卷五十八

萬里長江圖總叙

明 章潢 撰

水之大者莫大於四瀆江淮河漢是也淮漢之源
在中國境內故其流短惟河源發於崑崙之西江
源亦發於西戎故其流長然則中國之水源皆自
西而來乎西方允金金為水母水皆發源於西者

其金生水之義乎河由西而北而東入于海江由西而南而東入于海然則海固江河之會而江河其殆南北兩大經絡所以會四方之水而歸之海矣乎江源發自岷山固屬之蜀也雲南之金沙江來自西蕃而會于蜀江蜀果足以盡江之源乎即如江西之水其大派數支其流長餘二千里會于九江即江西而湖廣四川可推也是圖也特記江之大勢云爾安足以盡江之源委乎若江防一節近日南直隸可謂密


矣而盜賊即為之斂跡在他省獨不可倣而行之乎噫
江防密則江中之盜熄海防密則海中之寇寧河防
密則漕河之舟楫利古今法制其在典冊而按圖可
考要在得人以行之耳故曰其人存則其政舉

欽定四庫全書



臣書
卷五十八

萬里長江圖










修覺山

茅草渡

錦官江合

新津縣








捷為縣

九頂山

大佛像

大渡河

沫水自荊門州
會大渡河穿夷
界十山俱合於
此



山門寨山

長寧江合

自叙州馬湖江
諸水俱合於此


馬湖江口


瀘州


保子山寨

資簡江合


自瀘州
內江諸
水俱合
於此







洪山



鄰山鄰水江合

春酒甕

張飛廟



嘉定江合

自重慶府嘉陵江與利閬
果合等州諸水俱合此



自涪州黔江
所受南夷諸
水俱合於此

涪州

黔江
峽合


武寧縣

望夫山

平都

忠州

鄭都觀



岑公洞

中顯廟

自萬縣開江與開達等州諸水俱合於此

萬州

下岩寺



飛鳳山

景福寺

夔州府

南鄉峽

雲安縣

+

勝巴山

平巾山


灤瀨堆


龍脊灘


八陣圖


寧江井

報恩寺









白馬山

北石村


巴東縣

查神廟


卧牛山

歸州

假十峯








岳州府


君山

岳陽樓

自洞庭所
受湖南北
諸水俱合
於此

赤壁賦





黃鶴樓

鄂州

武昌


漢口所受
與元諸水
俱合於此

赤壁

漢口

漢陽府

圖中景



崑山

樊口


巴河諸
水俱合
於此


蕪州


東坡樓

黃州府

雪堂









湖口縣

彭浪磯

鄱陽湖
所受江
西諸郡
水俱合
於此

小孤山

桑落村



彭澤縣

馬當廟

馬當山

彭澤縣

台


圖畫


唐盤洲

十八

東流縣


祝家磯








皖水所受淮西
諸水俱合於此


九華山
















慈母山

石灰山

烈山

烏江渡





蔣山


龍灣

石頭城

半山寺

龍女祠

長蘆



東陽

落帆石


方山

天寧寺


欽定四庫全書

圖書編
卷五十八





欽定四庫全書



圖書編
卷五十八

十五

江源

江出岷山其源實自西戎萬山來至嘉州而沫水自
雋州合大渡河穿夷界十山以會之至叙州而馬湖
江會之又十五里而南廣江會之至瀘州而內江又
自資簡會之至重慶而嘉陵江自利閬果合等州會
之至涪州而黔江合南夷諸水會之至萬縣而開江
水自開達等州會之夫然後總而入峽是江自峽而
西受大水凡八及出峽而下岳陽則會之者洞庭湖

所受湖南北諸水也又自是而下鄂渚則會之者漢口所受興元諸水也又自是而下黃州東四十里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是以自峽而東又受大水凡五畧計天下之水會于江者居天下之半其名稱之大而可考者凡十有三故曰江源其出如甕而能滔滔萬里達海所受者衆也鳴

呼問學者可以觀矣

江水經行郡邑

江水自四川成都府茂州岷山發源西南至威州轉
汶川過而東南至灌縣過金口至新津縣合皂江水
入叙州府宜賓縣與馬湖江合東北入瀘州合江縣
至瀘州東北入重慶府巴縣經涪州合州黔江忠州
入夔州府萬縣雲安奉節經瞿塘峽入湖廣荊州府
歸州出峽入夷陵宜都枝江公安石首入沔陽州過

雲夢澤入武昌府嘉魚縣經江夏縣東會漢水南過

武昌縣入岳州府巴陵縣過洞庭湖東至武昌府咸

寧縣東歷江西九江府德化縣合南康府星子縣都

陽湖入南直隸安慶府懷寧縣入池州府東流縣北

流又折而東歷李揚河中梅根口銅陵縣東入太平

府當塗縣入和州為橫江入應天府上元江寧入揚

州府經儀真歷泰州經常州府江陰縣

江南江陰
江北泰州經

蘇州府常熟縣至揚州府通州入海

江南常熟
江北通州

江源總論

水必有源而源必有遠近小大不同或遠近各有源也則必主夫遠或遠近不甚相懸而有大小之殊也則必主夫大縱使近大遠微而源遠流長猶必以遠為主也况近者微遠者大乃主近而遺遠豈知源之論哉是故古之言河源者皆曰出崑崙山北陬而東行又曰河有兩源一出葱嶺一出于闐不知崑崙為正源三河合而東過蒲昌入中國自臨洮寧夏流至

延綏山西兩界之間夫崑崙特河之流遶過其山麓耳非河之源也迨元窮河源使都實出西域自河州行五千里抵星宿海則是言河源者至元始得其真焉言江源者則不然謂江水出岷山東南至天彭山又東南過成都郫縣又東南過陽江又南過嘉州犍為縣又南過戎州夔道縣又東南過巴郡江州縣又東過涪州忠州萬州言中國之江水信得其源矣然岷山在今茂州汶山縣發源不一而亦甚微所謂發

源濫觴者也及閱雲南志則謂金沙江之源出于吐
蕃異域南流漸廣至于武定之金沙巡司經麗江鶴
慶又東過四州之會州建昌等衛以達于馬湖叙南
然後合于大江趨于荆吳又緬甸宣慰司志謂其地
勢廣衍有金沙江濶五里餘水勢甚盛緬人恃以為
險夫以緬甸較之茂州其遠近為何如以汶山縣之
發源甚微者較之緬甸濶五里餘者其大小又何如
况金沙江源出于吐蕃則其遠且大也明矣何為言

江源者止于蜀之岷山而不及吐蕃之犁石是舍夫
遠且大者主夫近且微者以是論江之源吾不知也
是故合江河二源言之鄂端諾爾即華言星宿海在
吐蕃西鄙犁石亦吐蕃地也吐蕃廖廓總屬西方河
之源發于正西轉西北由積石入中華又北出長城
轉東北流過河南山東至南直隸地方正東入海江
之源亦發於西轉西南入中華過雲南諸郡南流過
四川馬湖合大江轉東南荆吳至正東入海今江河

二口之入東海者相距不過二三百里皆在正東則
二源發於正西者當亦不甚遼絕以方求之西允金
也金乃水之所從出理或然歟或曰水必發源于山
崑崙廼山之最高廣者岷山亦高山也江源何為不
祖岷山而祖犁石即曰星宿海有泉百餘竇從平地
泡出非山也何獨疑犁石未必非高山乎安知今之
主江源於岷山者無異昔之主河源於崑崙乎唐劉
元鼎所探河源自以為過漢張騫矣安知今之所謂

江源出吐番犁石者非唐之劉元鼎而尚未得夫星宿海乎姑即江水來自西番者以俟真知江源之君子云

記入蜀江山

六月過荆門十二碛皆高崖絕壁嶄岩突兀則峽中之險可知矣過碛望五龍及鷄籠山差峩正如夏雲之竒峯荆門者當以險固得名碛上有石穴正方高可通人俗謂荆門妄也晚至峽州泊至喜亭峽州在

唐為硤州後改為峽而印文則為陝州元豐中郎官
何洵直建言陝與陝相亂請改鑄印文從峽至喜亭
記歐陽公撰黃魯直書東山寺亦見歐陽公詩距望
京門五里晚集于楚塞樓遊爾雅臺錦障亭爾雅臺
者圖經以為郭景純註爾雅于此八日過下牢關歐
陽公有詩云入峽水漸曲轉灘山更多即此也登三
游洞泊石牌峽九日過扇子峽登蝦蟆碚碚洞相對
稍西有一峯孤起侵雲名天柱峯自此勢稍平晚次

黃牛廟山復峻其下即無義灘十日早過鹿角虎頭
史君諸灘泊城下歸州秭歸縣界也至白沙市慈濟
院對黃牛峽城西北一山山上有伍子廟十一日過達
洞灘灘惡乃陸行過之晚泊馬肝峽口十二日過東
濡灘其旁有獅子岩十三日舟上新灘南坼曰官漕
北曰龍門為峽中最險處游江瀆北廟十四日晚渡
江南登山至江瀆南廟十五日過白狗峽十六日到
歸州卧牛山臨江前即人鮓甕十七日集于望洋堂

玩芳亭十九日訪宋玉宅在秭歸縣之東二十日出
巫峽門過業灘亦名灘也二十一日舟中望石門關
僅通一人行天下至險也晚泊巴東縣二十二日發
巴東山益奇二十三日過巫山謁巫山神女祠祠正
對巫山峯巒上入霄漢山腳直插江中十二峯不可
悉見惟神女峯最為纖麗奇峭二十四日早抵巫山
縣二十六日入瞿塘峽兩壁對聳上入霄漢其平如
削仰視天如足練過聖姥泉晚至瞿唐關唐故夔州

與白帝城相連關西門正對灩澦堆自關而東即東屯少陵故居也二十七日早至夔州州東南有八陣蹟孔明之遺也

記自蜀出峽江山

五月離成都泊舟合江亭下合江者乃岷江別派自永康離堆入城都及彭蜀諸郡合於此下新津亭之上曰黃華樓其西則萬里橋六月己巳朔下彭山縣單騎轉城過東北門又轉而西走岷山五十里至郫

庚午至永康軍崇德廟在運城西門外山上秦太守
李冰父子廟食處也辛未登城西樓其後皆西戎山
西門名玉疊關將至青城當再繩橋晚至青城山曰
寶仙九室洞天夜宿丈人觀觀丈人峯癸酉自丈人
觀西登山五里至上清宮最高峯之頂岷山數百峯
悉在欄杆下雪山在西域去此不知幾千里瞭然見
之甲戌早頓長生觀乙亥發青城縣丙子至蜀州丁
丑早頓江源縣宿新津縣成都萬里橋之江與岷江


合派于此巳卯以小舟至彭山午後至眉州城外江
即玻黎江也壬午至中巖後西州甲申至嘉定壬寅
至王波渡宿癸卯至羅護鎮百里至犍為縣甲辰發
下壩百里至叙州宣化縣百二十里至叙州叙州即
古戎城也乙巳發叙州十五里南廣江來合大江通
百二十里至南溪縣四十里至瀘州江安縣百二十
里至瀘州戊申至合江縣己酉至恭州江津縣庚戌
發泥培至恭州自此入峽路大抵西川至東川風土


不同至峽益陋辛亥發恭州嘉陵江江自利閬果合
等州來合大江百四十里至涪州樂溫縣七十里至
涪州過州入黔江泊此江自黔江來合大江壬子至
鄧都縣遊仙都觀癸丑至忠州宿萬州甲寅至開江
口水自開達來合大江乙卯至夔州丙辰泊夔是夜
水忽驟滄漲及排亭丁巳至瞿塘口水平如席獨灑
灑之頂猶渦紋灑灑舟拂其上以過而黑石山最號
險惡十五里至大溪口水稍濶亦稍遠夔峽之險也

七十里至峽山縣戊午乘水退巫峽灘至神女廟廟前灘尤洶怒二十里至東奔灘高浪大渦巨舩掀舞不當一葉二十里過巴東縣九十里至歸州未至州數里曰叱灘其險又過東奔連接新城下大灘曰人鮐甕已未泊歸州戊辰發歸州五里至白狗灘三十里至新灘此灘惡豪三峽八十里至黃牛峽上有洺州廟黃牛之神也亦云助禹所疏川者順流過扇子峽則峽中灘盡矣三十里得南岸平地曰平善壩出

峽舟至是皆相慶如更生三十里至峽州

漢水






漢水考

嶓冢導漾東流為漢又東為滄浪之水過三澨至於大別南入于江東匯澤為彭蠡東為北江入於海


嶓冢之山漾水出焉禹則自嶓冢而導之濬其源也東流則為漢焉漢即漾也而易其名又東流則為滄浪之水焉滄浪即漢也而易其稱又東過三澨之水至於大別之山南入於江會同東下有朝宗之勢焉漢水出陝西鞏昌府秦州嶓冢山為漾水東流至西

和縣即入武都上祿之地名為西漢水又東流至成
縣即武都郡治名六漢水折而稍西折而東南入漢
中府鳳縣過沔縣西別為潛又東合沔水東流經本
府洋縣流入湖廣襄陽府鄖縣至均州為滄浪之水
歷沔化襄陽宜城荊州府荊門州潛江縣至沔陽州
過三澨至漢陽縣大別山南流合於江

江南諸水總圖



圖書錄



荆揚諸水

九州之域水居其半而山次之邑居土田又次之雖水由山而分實山以水而界禹貢言北條之水主于河凡水皆以河稱言南條之水主于江凡水皆以江稱惟其主于江也漾漢彭蠡皆江之所翕受而異派同歸者是源之大而流之長者江也自江之左入而源流長且大者非漢乎自江之右入而源流之長且大者非彭蠡乎漢先入江後江漢同會彭蠡入海

經文錯綜互見不可以經生文義律之矣所以經文曰岷冢導漾東流為漢又東流為滄浪之水過三澨至于大別南入于江言漢水入江止此曰東滙澤為彭蠡東為北江言滙澤者乃每歲春夏江漢水漲倒入彭蠡與前彭蠡既瀦義相聯貫滙者水之勢瀦者水之常也曰入于海此則言江漢與彭蠡而同入焉如言身之左股因及夫右股以明一體之意何必疑經文謂江與漢滙為彭蠡亦何必直以十三字為當

衍哉曰岷山導江東則為沱又東至于澧過九江至
于東陵迤北會于滙東為中江入于海言滙即滙澤
而東迤北會正言江之會彭蠡以入海也前言東滙
澤後言會于滙前後相承何必疑其滙于漢亦何必
疑滙字或多而或誤哉蓋彭蠡方廣數百里自今九
江郡以上發源章貢合吉之王江廬江恩江袁之泉
江臨之清江瑞之蜀江會為南昌之章江又建之盱
江撫之汝水寧之修水信之上饒江弋陽江饒之鄱

江錦江共諸郡邑之水潴為彭蠡故春夏水溢則壅
遏不通雖因江漢阻塞而實有滙入之勢至於中江
北江安知非當時之通稱哉或曰彭蠡咸指為今之
鄱陽湖矣又有謂即今之巢湖方與東滙文義合何
如曰荆揚之水莫踰江漢其次莫如鄱湖經文叙九
州之水反於數百里之鄱湖潴數千里之水畧而不
叙無是理也然或彼或此猶可說也陽烏攸居迄今
如故此亦可以意見更改之哉或曰揚州獨舉震澤

彭蠡二湖何也曰揚之水自滙以南有廣于二湖者乎蓋言水而不及山則水亦無有而分之矣南條之水自岷至衡一支盡于九江之西其一支又南而東渡桂嶺北徑袁郴盡于廬阜水皆東流其一支又南而東度大庾北趨信衢介徽歙而抵建康由徽饒而上岡脊以西之水皆西流滙為彭蠡岡脊以東之水南則浙江北則震澤也所以金仁山謂彭蠡之水不涖則今江東西諸州之水為揚西偏之患震澤之水

不泄則今浙西諸州之水為揚東偏之患揚雖北邊
淮而于徐已書又雖中貫江而于荆已書朝宗獨大
江之南西偏莫大于彭蠡東偏莫大于震澤二患既
平則揚之土皆治矣發明經文可謂無餘蘊也或曰
揚之彭蠡震澤二湖其廣不能踰荆之洞庭也經文
何不叙之九江孔殷潛沱既導若謂九江非今郡地
抑又何指耶曰九江即洞庭也江自出峽以來上截
所受之水惟洞庭之源流最廣如江陵所記九江源

委頗詳曰瀟江湘江蒸江潁江沅江漸江淑江辰江
酉江會而為洞庭焉想禹時尚支分為江自後遂會
為湖而以湖名也其實柳水發源袁吉之武功北入
湘江與沅江俱視九江為最遠凡武功之水西流者
盡入洞庭東流者盡入鄱湖故經文過九江至東陵
會于滙可見禹于洞庭鄱陽二湖之水與江會次第
亦甚明矣或曰叙導江而于中乃稱九江則其所謂
三江果不必指大江為中江漢為北江彭蠡為南江

耶曰叙揚州之水不必遠兼夫荆此不必辨蓋震澤即今之太湖而太湖之下三江入海本為吳淞江與松江婁江為三今皆可據况荆之九江本在乎上揚之三江在乎下又何必強為之說哉若夫山之由大庾北趨界信衢者一支包有浙江福建又一支由大庾東趨包有廣東水各入海而東南之水盡矣

三江九江彭蠡敷淺原辨

朱子

嶠冢導漾東流為漢又東為滄浪之水過三澨至於

大別南入於江東滙澤為彭蠡東為北江入於海又
曰岷山導江東別為沱又東至于澧過九江至於東
陵東迤北會于滙東為中江入于海又曰岷山之陽
至於衡山過九江至於敷淺原此皆禹貢之文也古
今讀者皆以為是既出於聖人之手則固不容復有
訛謬萬世之下但當尊信誦習傳之無窮亦無以覈
其事實是否為也是以為之說者不過隨文解義以
就章句如說九江則曰江過尋陽派別為九或曰有

小江九北來注之說彭蠡則曰漢水所匯而江水亦
往會焉說北江中江則曰漢既匯而出為北江江既
會而出為中江也說九江則但指今日江州治所以
當之說敷淺原則但以為漢歷陵縣之傅易山在今
日為江州之德安縣而已如是而言姑為誦說則可
矣若以山川形勢之實考之吾恐其說有所不通而
不能使人無所疑也若曰派別為九則江流上下洲
渚不一今所計以為九者若必首尾短長均布若一

則橫斷一節縱別為九一水之間當有一洲九江之
間沙水相間乃為十有七道於地將無所容若曰叅
差取之不必齊一則又不知斷自何許而數其九也
况洲渚出沒其勢不常江陵先有九十九洲後乃復
生一洲是豈可以為地理之定名乎此不可通之妄
說也若曰旁計橫入小江之數則自岷山以東至入
海處不知其當為幾千百江矣此又不可通之妄說
也且經文言九江孔殷正以見其吐吞壯盛浩無津

涯之勢決非尋常分派小江之可當又繼此而後及夫沱潛雲夢則又見其決非今日江州甚遠之下流此又可以證前二說者為不可通之妄說也若曰漢水滙為彭蠡而江水亦往會焉則彭蠡之為澤也實在大江之南自今江州湖口縣南跨南康軍饒州之境以接于隆興府之北瀰漫數十百里其源則東自饒徽信州建昌軍南自贛州南安軍西自袁筠以至隆興分寧諸邑數千里之水皆會而歸焉北過南康

揚瀾左里則兩岸漸迫山麓而湖面稍狹遂東北流以趨湖口而入于江矣然以地勢北高而南下故其入于江也反為江水所遏而不得遂因卻而自潞以為是瀰漫數十里之大澤是則彭蠡之所以為彭蠡者初非有所仰於江漢之滙而後成也不唯無所仰於江漢而衆流之積日過日高勢亦不復容江漢之來入矣又况漢水自漢陽軍大別山下南流入江則其水與江混而為一至此已七百餘里矣今謂其

至此而復一先一後以入于彭蠡既滙之後又復循
次而出以為二江則其入也何以識其為昔日之漢
水而先行何以識其為昔日之江水而後會其出也
何以識其為昔日之漢水而今分以為之北何以識
其為昔日之江水而今分以居中耶且以方言之則
宜曰南會而不應曰北會以實計之則湖口之東今
但見共為一江而不見其分流然則所謂漢水滙為
彭澤而江水亦往會焉者亦不可通之妄說也此數

說者既無一之不窮於是味別洲別之說出焉而終亦不免於窮也蓋曰味別則不知凡禹之所為過門不入胼手胝足而不以為病者為欲大濟天下昏墊之民使得平土而居以衣且食而遂其生耶抑如陸羽張又新輩但欲較計毫分於齒頰間以為茗飲一時之快也嗚呼彼以是為說者亦可謂童騃不思之甚矣且河之所會漆沮涇渭伊洛瀍澗支川尤多而初無味別之說濟之所經或潛或見或止或流其變

不一而初無味別之說何獨至此而辨之若是悉耶
此又可見其為不通之妄說也若曰洲別則又九江
之鑿吾既辨於前矣若果如此則漢水入江之後便
須常有一洲介於其間以為江漢之別而湖口入滙
之處又當各分為二以為出入之辨而後可也今皆
無之而湖口橫度之處予常過之但見舟北為大江
之濁流舟南為彭蠡之清漲而已蓋彭蠡之水雖限
於江而不得洩然及其既平則亦因其可行之隙而

又未嘗不相持以東也惡睹所謂中江北江之別乎
此又可見其為不通之妄說也若曰古之九江即今
之江州古之敷淺原即今之德安縣則漢九江郡本
在江北而今所謂江州者實武昌郡柴桑縣後并江
北之潯陽立郡又因潯陽而改為江州實非古九江
地也又况經言過九江至於東陵而後會于彭蠡則
自今江州城下至湖口縣纔四十里不知東陵的在
何處何所表異而其志之繁密促數乃如此又曰過

九江至於敷淺原則已自江州順流東下湖口又復
沂流南上彭蠡百有餘里而後至焉亦何說哉此又
不可通之妄說也至於今之所謂敷淺原者為山甚
小而卑不足表見而其全體正脉遂起而為廬阜則
甚高而且大以盡乎大江彭蠡之交而所以識夫衡
山東過一支之所極者唯是乃為宜耳今皆反之則
吾恐其山川之名古今或異而傳者未必得其真也
凡此差舛其類不一讀而不思思而不考者既昏昧

鹵莽而無足言矣其間亦有心知其誤而口不敢言
乃反為之遷就穿鑿以蓋其失者則其謬愈彰使有
識之士讀之愈疑而愈不敢信唯國朝初胡秘監旦
近世晁詹事說之皆以九江為洞庭則其援正皆極
精博而莆田鄭樵漁仲獨謂東匯澤為彭蠡東為北
江入于海十三字為衍文亦為得之予既目睹彭蠡
有源兩江不分之實又參之以此三者而深以事理
情勢求之然後果得其所所以誤也蓋水之患唯河為

甚而兗州乃其中流水曲而流緩地平而土踈故河之患於此為尤甚是以鑿治之功十有四載然後同於諸州竊計當時唯此等處事急民困勢重役煩禹乃親涖而身督之不可一日而舍去若梁雍荆揚地偏水急不待疏鑿固已通行則分遣官屬往而視之其亦可况彭蠡洞庭之間乃三苗氏之所居當是之時水澤山林深昧不測彼方負其阻險頑不即工則官屬之往者固未必遽敢深入其境是以但見為彭

蠡之澤而不知其源之甚遠而且多但見洞庭下流
之已為江而不知其中流之常為澤而甚廣也以此
致誤宜無足恠若其用字之同異則經之凡例亦自
可考顧讀者未深思耳今但刪去東匯北江之衍字
而正以洞庭為九江更以經之凡例通之則過九江
至於東陵者言導岷山之水而是水之流橫截乎洞
庭之口以至東陵也是漢水過三澁之例也過九江
至於敷淺原者言導岷陽之山而導山之人至於衡

山之麓遂越洞庭之尾東取山路以至乎敷淺原也
是導岍岐荆山而逾于河以盡恒碣之例也以是觀
之則經之文意不既明乎若更以他書考之則山海

經云廬江出三天子都

本注云一作鄣今按丹陽故
為鄣郡其得名蓋以此則作

鄣為入江彭澤西

本注云彭澤今彭蠡
也在鄣陽彭澤縣

漢志亦云廬

江出陵陽東南北入江蓋陵陽者丹陽之屬縣今寧
國府旌德縣尚有陵陽山而三天子都屈在徽饒之
境疑與陵陽腹背相直故廬江者得出其東南而西

流北折以為郟餘二水遂以會于彭蠡而入于江也
及其入江則廬山屹立于其西南而江之北岸即為
郡之南境疑江與山相因以得名而郡境雖在江北
亦以其南直此江此山而名之也然則彭蠡安得為
無源而必待漢滙江會而成哉漢志豫章為郡領縣
十八其彭蠡縣下注云禹貢彭蠡澤在西其餘則言

水入湖漢者八

郟陽郟水餘干餘水艾修水塗淦水
南城盱水建城蜀水宜春南水南樞

彭入大江者一

顏豫章水

而湖漢一水則又自雩都東至

彭澤入江行千九百八十里也按今地勢彭蠡既與江通而豫章諸水不由彭蠡別無入江之路則湖漢者即是彭蠡而其所受衆水之源又不止廬江而已也以此而觀則山海經之言猶有未盡且其曰入江彭澤西者本謂逕彭蠡縣之西而入江耳而語意不明遂若析江與澤各為一水而一東一西以入江者此亦其立言之疵也漢志又自不知湖漢之即為彭蠡而兩言之又不知入大江者亦瀦於彭蠡而別為

一例又不知湖漢之為湖正以其澤名之而復兼以漢稱則又承禹貢之誤而弗深考也至於雩都之水則但見其為一郡衆流之最遠者而遂推為湖漢之源以主其名則又不知湖漢之名初非一水必自隆興以北衆水皆會潄為大澤然後可以名之非雩都一水所得而專也至於鄭漁仲漢水衍文之說固善矣而其下文江水東迤北會于滙東為中江入于海之數言似亦可疑而彼猶未能盡正也嗚呼禹貢

所載者九州之山川吾之足迹未能遍乎荆揚而其
所可疑者已如此不知耳目見聞之所不及所可疑
者又當幾何是固不可得而知矣至於經之凡例本
自明白而諸儒乃有過為新奇之說以亂之者若論
導山而逾于河而以為導岍岐荆山之脉使之度河
以為壺口諸山之類則亦不待聞見之及而知其謬
矣夫禹之治水隨山刊木其所表識諸山之名必其
高大可以辨疆域廣博可以奠民居故謹而書之以

見其施功之次第初非有意推其脉絡之所自來若
今論葬法者之所言也若必實以山脉言之則亦自
有可言而尤足以見其說之謬者蓋河北諸山本根
脊脉皆自代北寰武嵐憲諸州乘高而來其脊以西
之水則西流以入龍門西河之上流其脊以東之水
則東流而為桑乾道幽冀以入於海其西一支為壺
口大岳次一支包汾晉之源而南出以為析城王屋
而又西折以為雷首又次一支乃為太行又次一支

乃為常山其間各隔沁潞諸川不相連屬豈自岍岐
跨河東度而反為是諸山哉若過九江至於敷淺原
亦有襲其謬者以為衡山之脉東度而來則以見聞
所及而知其必不然也蓋岷山之脉其一支為衡山
者已盡於九江之西其一支又南而東度桂嶺者則
包湘源而北徑潭袁之境以盡於廬阜其一支又南
而東度大庾者則包彭蠡之源以北至乎建康其一
支則又東包浙江之源而北其首以盡于會稽南其

尾以盡乎閩越也。豈衡山之脉能度九江而其度也。又直為數淺原而已哉。又有欲以揚州之三江即為。荊州之中江北江而猶病其闕一。乃顧彭蠡之餘波。適未有號則姑使之潛冒南江之名以足其數。且又自謂聖經書法之妙非他人之所及。是亦極巧而且新矣。然自湖口而下江本無二安得有三。且於下文之震澤又懸隔遼復而不相屬也。則又安能曲說而彊附之哉。問諸吳人震澤下流實有三江以入于海。彼既

以目驗之恐其說之必可信而於今尚可考也因并
論之以俟來者質焉

江防總叙

嘗閱三國志魏文帝至廣陵臨江見波濤洶湧歎曰
嗟乎天所以限南北也而宋劉琚亦言金陵天險前
據大江可以固守則長江豈不誠勝勢哉然王濬之
克西陵北軍飛渡韓擒虎之濟采石陳人不覺則雖
有勝勢亦恃吾所以守禦之者何如耳呂頤浩有言

諸郡自荆南抵儀真可渡處甚多豈不預為計望置
使兩員一自鎮江至池陽一自池陽至荆南專提督
造船且詢水戰利害但當時宋遷都建康恃江為守
故有此論今天下一統其要害固不繫長江然潢池
之警竊發不時頤浩造船水戰之說可無豫為之計
乎是故操江巡江各有專寄而江防之設雖以備水
寇其所以為建康之守禦者亦豫且密矣長江天塹
尚慎旃哉

南直隸江防事宜

查得牒江都御史原奉勅書專管沿江一帶上自九江下至鎮江及通常狼福等處先年承平無事專一操練水兵禁戢鹽盜用重留都之衛以為江海之防一應兵事盡屬操江近緣倭變大江南北道臣俱兼提督軍務之任有所錢糧兵馬各歸撫屬體勢恒專調度自便而操江大臣仍照舊勅參錯行事臨警倉皇未免掣肘所以該科長慮有此建白看得長江南

北自瓜儀鎮江之下有山破江而生名曰圍山此誠
留都之門戶而江海之噤吭也春汛之際南北撫院
俱各設有兵船會哨防守自此以下接連海洋江面
濶遠北有周家橋大河口掘港等把總而以狼山副
總兵統之南有靖江福山乍浦等把總而以金山副
總兵統之各為軍門專屬若復叅以操江權任並大
調度殊方使承行者無所歸心而前却者有以藉口
或乖進止之宜恐非備禦之策况操院之設不妨院

事專管操江帶管巡官乃今急遠憂而忘內顧畧專任而重帶管似亦非命官之初意也合無自今以後上自九江下至江南圍山江北山江會口為操江信地如遇信警但在圍山三江會口以下專責南北督撫嚴督將領之類畢力堵截圍山以上逼近留都南北督撫仍與操江互為應援不許自分彼此致失事機及查圍山把總原設兵船向係江南巡撫管轄今信地既分前總應分專屬操江提督所有兵船器械糧

餉成造修理等項仍照舊規於江南辦給與操江衙門見役官耆兵勇三百員各相防守其三江會口先該操江都御史間議題添設把總咨行巡撫會節經總巡撫督議定派各屬如徵軍餉銀二萬兩扣減民壯弓兵銀一萬三千零四十二兩二錢又原議事寧減免江洋歲支必致乏絕倉卒之際復議派徵是無裨於寬卹而適增其科歛也合無將節年定派操江軍需俱照成規不必加減仍嚴行各屬如期徵解歲

支之外稍有存餘聽行收貯以備緩急不許別項支銷再照車行百里例有行糧若召募之衆日有常支原無此例惟是交仗對壘之際憫其勤勞時有犒恤今遊兵俱召募而營兵例無外援若以預處行糧更議分派不免異同徒為紛擾萬一警報非常內地孔棘則南北督撫俱同憂責又須別為權宜互相接濟非可預擬而定設也

江淮總兵官之設本為靖肅江洋輯寧地方上以制

瓜儀之盜賊下以鎮通泰之鹽徒所以屏翰留都防護運道者也設必於鎮江者蓋以路通南北地扼咽喉金山備倭在其南儀真守備在其北適中可以調度據險可以設防取其傳報易而策應速也

南直隸江防兩營信地

南岸安慶營

元字號哨官樓船一隻常泊黃石磯上哨自馬當起下哨至崩灣止計一百五十里自馬當紫磯牛磯

墩至香口止四十里 元字二號兵船一隻 彭澤

縣哨船一隻 馬當巡司船一隻 共為一聯 自香口黃

家嘴烏石磯至東流止三十五里 元字三號兵船

一隻 香口土官巡船二隻 共為一聯 自東流廻龍山

祝家磯至吉陽止三十里 元字四號兵船一隻

東流縣哨船二隻 共為一聯 自吉陽馬家磯黃石磯至

崩灣止四十五里 元字五號兵船一隻 東流縣

哨船一隻 吉陽巡司船一隻 共為一聯

亨字號哨官樓船一隻常泊李陽河上哨至崩灣起

下哨至池口止計一百四十里 自崩灣鴈汊下烟

墩至黃盆止四十里 亨字二號兵船一隻 吉陽

巡司船一隻 李陽巡司船一隻 共為一聯 自黃盆丁

家港牛頭山至李陽河止三十里 亨字三號漿船

一隻 貴池縣哨船一隻 李陽巡司船一隻 共為一聯

自李陽河黃公山烏沙夾上口至中口止三十里

亨字四號漿船一隻 池州府一號二號漿船二

一隻

共為一聯

自烏沙夾中口軍渡灣下烟墩至池口止

三十里

亨字五號兵船一隻

池州府三號槳船

一隻

池口巡司哨船一隻

共為一聯

專守烏落洲池

州府四號槳船一隻

荻港營

仁字號哨官樓船一隻常泊大通上哨自池口起下

哨至老鶴嘴錢家灣止計一百八十里 自池口芭

荈港麻埠 至仙姑廟止三十里 仁字二號兵船

一隻 池州府下哨船一隻 池口巡司船一隻

共為

一聯 自仙姑廟郭港梅港河至五埠溝止三十里

仁字三號兵船一隻 池州府哨船一隻 貴池縣

哨船一隻 共為一聯 自五埠溝程家溝大通河至洋山

磯止三十里 仁字一號樓船一隻 大通巡司哨

船二隻 共為一聯 自洋山磯橫港馬石磯至銅陵河止

三十里 仁字四號兵船一隻 銅陵縣哨船一隻

大通巡司船一隻 共為一聯 自銅陵河長山磯丁家

洲至老鶴嘴止三十里 仁字五號兵船一隻 銅

陵縣哨船二隻 共為一聯 自六百丈中江起至斷腰三

江口止 銅陵縣哨船一隻 青陽縣哨船二隻 共為

一聯遊巡
夾江一帶

禮字號哨官樓船一隻常泊三山上哨自張潭起下

哨至大信四合山止計二百里 自老鶴嘴錢家灣

張灣潭至胭脂夾止三十里 禮字二號兵船一隻

石埭縣哨船一隻 繁昌縣哨船一隻 共為一聯 自

胭脂夾荻港河板子磯至舊縣止三十里 禮字三

號兵船一隻繁昌縣哨船一隻 建陽衛巡船一隻

共為一聯 自舊縣黃石磯高安橋至宗三廟止三十里

禮字四號兵船一隻 繁昌縣哨船一隻 荻港巡

司船一隻 共為一聯 自宗三爺廟鷄頭山龍王磯至三

山止三十里 禮字一號樓船一隻 建陽衛巡船

一隻 三山巡司船一隻 共為一聯 自三山楊家套螃

蟹磯至魯港止三十里 蕪湖縣哨船二隻 河口

巡司船一隻

共為一聯

自魯港蕪湖河弋磯窰至稀泥

港止三十里

蕪湖縣哨船二隻

禮字五號兵船

一隻

共為一聯

自稀泥港四合山黃泥灘至大信止二

十里 蕪湖縣哨船一隻

建陽衛哨船一隻 大

信巡司船一隻

共為一聯

北岸安慶營

利字號哨官樓船一隻常泊楊灣上哨自小孤史家

港起下哨至洲頭口望江界止一百七十里 自史

家溝毛湖洲沙灣角至朱福溝止五十里 利字二

號三號兵船二隻 宿松縣哨船一隻 共為一聯 自朱

福灣楊灣中央口至黃家 關 利字五號

六號兵船二隻 小孤巡司船一隻 共為一聯 專守沙

灣角利字四號兵船一隻 自黃家墩急水溝孫家

洲至桃樹灘止三十里 利字七號兵船一隻 望

江縣巡船一隻 楊灣巡司船一隻 共為一聯 自桃樹

灘雷溝蓮花洲至卞家套止三十里 上江總巡二

號船一隻 利字九號兵船一隻 雷港巡司船一

隻

共為一聯

自卞家套林家灣至洲頭口止三十里

利字八號兵船一隻

雷港巡司船一隻

共為一聯

貞字號哨官樓船一隻常泊馬踏石上哨自洲頭口起下哨至老洲頭止計一百九十里 自洲頭口張

風套海口至觀音港止三十里 貞字二號兵船一

隻 懷寧縣哨船一隻 長楓夾巡司船一隻

共為一聯

自觀音港上夾口桑園至竺家嘴止三十里 貞字

三號兵船一隻 安慶府巡船一隻 懷寧縣巡船

一隻

共為一聯

自竺家嘴黃泥溝前江溝至柘家灣止

二十五里 貞字四號兵船一隻 安慶府巡船一

隻 長楓夾巡司船一隻

共為一聯

自柘家灣三江口

新開灣至馬船溝止五十里 貞字五號六號兵船

二隻 馬踏石巡司船一隻

共為一聯

自馬船溝花洋

灘楊樹灘至源子港止三十里 貞字七號兵船一

隻 下總巡二號兵船一隻 桐城縣巡船一隻

共為

一聯 自源子港武梁洲老洲灣至老洲頭止三十里

貞字八號槳船一隻 安慶衛哨守千百戶船二隻

共為
一聯

荻巷營

義字號哨官樓船一隻常泊灰河鎮上哨自老洲頭
起下哨至泥汊河止計一百五十里 自老洲灣老
洲頭王家嘴至六百丈止三十里 義字二號兵船
一隻 桐城縣哨船一隻 六百丈巡司船一隻 共為

一聯

自六百丈柞樹嘴爛泥灘至灰河止三十里

義字三號兵船一隻 桐城縣哨船一隻 六百丈

巡司船一隻

共為一聯

自灰河馬頭嘴土橋至宗三廟

止三十里 義字一號樓船一隻 土橋巡司哨船

二隻

共為一聯

自宗三廟省潭灣鮮魚嘴至宋家灣止

三十里 義字四號五號兵船二隻 無為州巡船

一隻

共為一聯

自宋家灣鯉魚套橫路口至泥汊止三

十里 義字六號兵船一隻 無為州巡船一隻

泥汊巡司船一隻

共為一聯

智字號哨官樓船一隻常泊冊港上哨自泥汊河起

下哨至牛屯張家溝止計一百五十里 自泥汊龍

池套薛家灣至燕家灣止三十里 智字二號兵船

一隻 無為州哨船一隻 泥汊巡司船一隻

共為一聯

自燕家灣冊港傅家灣至石板州止三十里 智字

一號樓船一隻 智字三號沙船一隻 冊港巡司

船一隻

共為一聯

自石板洲新洲夾牛門河至惡江嘴

止三十里 智字四號兵船一隻 無為州哨船一

隻 冊港巡司船一隻

共為一聯

自惡江嘴上新溝下

新溝至田家溝止三十里 智字五號兵船一隻

和州哨船一隻 裕溪巡司船一隻

共為一聯

自田家

溝裕溪張家溝至西梁山止三十里 智字六號兵

船一隻 裕溪巡司船一隻

牛屯巡司船一隻

共為一聯

議定班聯

夫水兵自為水兵則其禦盜與為盜莫可詰民兵自

為民兵則其在船與不在船不可知故信地水兵派船一隻必用府縣巡司船二隻以三隻為一聯者乃相維相制義也又往時壯快弓兵盡派出江以致一查點外盡皆不在皆以土著之民而日責以遊巡勢勿能也今計其原額名數多寡分班出哨大率以一班出江遊巡一班更休役遣不惟便情亦可行法故為之議班聯凡五款

一南北兩岸大約每信地三十里派兵船一聯各信

地內大約岸上一墩則江上一船日則分而為三以相接會夜則聚而為一以相覺察每日於信地內輪流哨會永為定守

一信地有水兵船一隻必派府衛州縣巡司民兵船二隻共為一聯如水兵船不在則民兵船報巡江官轉報江防官速報本道如民兵船不在則哨官報總官速報本道以憑各行拏究

一民兵船有分二班者一班出江一班休息有三班

者以二班出江一班休息有不分班者必其工食與水兵等者也以上各船俱聽哨官約束查點凡輸出江之月有不在船者除本兵網打外盡追一年工食入官

一府民快下班者即應於府江防廳聽用州縣民快下班者即於州縣巡江官聽用弓兵下班者即應於巡檢處聽用其一應比較齋遞俱於下班者撥用並不許再將出江兵船差遣違者重究

一民兵船出江之月船多者人船俱換船少者換人而不換船但過初二日不赴更換者哨官即便報來以憑挈究

議定會哨

夫兩岸官兵分派信地聯三為一遊巡有重兵布絡有專哨盜固屏遠矣但法令滋久則漸玩兵心不束則易弛相應立法會哨以別勤惰以課功罪故為之議會哨凡五款

一兩營備總官奉題准事例俱遵操院憲單安慶守
備逢二日會南湖守備於上水逢六日會荻港把總
於下水荻港把總逢六日會安慶守備於上水逢二
日會遊兵營把總於下水軍衛自巡江指揮以下有
司自巡江丞簿以下悉聽查照但有不到者開報本
道與操院詳奪

一兩營哨官俱照本道憲單接會今定安慶營元字
號哨官逢三日上與彭澤縣巡江官接會七日下午與

東流縣接會亨字號哨官逢三日上與東流縣巡江
官接會逢七日下午與池州府巡江官接會利字號哨
官逢三日上與望江縣巡江官接會逢七日下午與安
慶府巡江官接會貞字號哨官逢三日上與懷寧縣
巡江官接會逢七日下午與安慶衛守老洲頭哨官接
會如荻港營仁字號哨官逢三日上與貴池縣巡江
官接會逢七日下午與繁昌縣巡江官接會義字號哨
官逢三日上與銅陵縣巡江官接會逢七日下午與蕪

湖縣巡江官接會禮字號哨官逢三日上與安慶衛
老洲頭哨官接會逢七日下午與無為州巡江官接會
智字號哨船逢三日上與無為州巡江官接會逢八
日下午與和州巡江官接會如安慶衛上巡江指揮逢
一日與九江衛巡江官接會下巡江千戶逢五日與
建陽縣巡江指揮接會建陽衛哨官逢二日上與當
塗縣巡江官接會逢六日下午與遊兵營第三哨哨官
接會凡遇會哨之日但有不到者徑註單內繳報其

有司巡江職官俱各如期而至毋許相左俱取各官私記關防為准其信地內巡檢土官悉聽查點但有違抗開報備總官轉報本道詳奪

一岸上一墩江上一船岸有警則報船江有警則報墩相應相接地里均矣但一聯之中須以水兵為主如輪日信地哨船有功水兵同之各船次之如輪日信地哨船失事水兵亦同之各船次之凡信地在一聯之內水兵不得推諉如哨官船以接會不在漿船

代在信地接會不許並出但私回不到查發本船網
打追工食外一連同罪失事隱匿查發信地哨官網
打外把總官叅究

一兩岸兵船每日於所分信地擺列凡遇三府江防
官將本道會哨簿發到本船即於簿空格內填註姓
名并接到日期地方於前件下填註有事無事及陰
晴風雨緣由自上水來者即刻遞下自下水來者即
刻遞上各船照前填註接會但有不在信地者即於

簿格內填註其信地其船官兵不在越過徑交與上
下手官兵接去兩岸一週仍送江防官轉報不到者
本道徑拏緝打仍追工食充越過官兵之賞如將會
簿遞壞者細究

一安池大江防官本道各印發循環會哨簿二本各
江防官即於本府信地不拘上水下水先發一本以
次兩岸接會一週一面將簿內查覈有無不到稽誤
緣由連簿報道一面再發一本接會各江防官凡遇

金... 卷五十八
暇日仍親自出江查點如此而官兵有不在江上者寡矣

江西江湖要害

長江一帶自吉安府起至峽江縣中間 張家渡

天井壩 狗子嶺 牛口江 龍邱 雲洲 或居

民窺遠 墨潭 桐江橫 釣魚臺 或四壁皆山

其富口 石窩 二處雖有人烟尤多土賊 峽

江縣起至豐城縣中間 桐江 墓膳 烏口 象

口 蓮花潭 長排 城排 城頭潭 橫梁 孔

埠 枯州 斗角灘 涼傘洲 拖船埠 黃埠腦

安沙壩 老蛤石 小港口 漳湖渡 龍霧洲

象牙潭 爛泥灣 數處港口交雜人烟稀疏尤為

盜賊出沒匿藏之所從此入東湖有 黃溪渡 趙

家圍 白沙寨 漁門寨 樊西寨 焦湖埧口

龍山 鄔子 梅歧寨 南山埂 康山上下 蛇

山 五谷潭 棠陰 柴棚 瑞洪 四山 三山

又自樵舍 昌邑 迤西至具城轉折三橫及中洲

等處入西湖 倉廩洲 兩河口 松門 吉山

鷺子口 洋瀾 渚溪 左蠡 青湖 洲山 青

山 大孤山 從此出江則城子鎮至馬當內有

新開口 小池口 楊家穴 南湖嘴 沿洲港

鱖魚嘴 黃茅潭 小孤嶽 茅湖夾 女兒港

以上各處所俱稱要害春夏水漲港嶼瀾漫盜賊揚
帆縱槳勢或難當秋冬水涸支港縱橫盜賊船舶伏

岸防或不及甚當晏起早住務要趕趨地頭不可貪
程夜行及聽稍子哄誘致其通賊自害

自吉安府萬安縣良口起至九江府彭澤縣馬當鎮止
通計要害地方八十一處

守備巡湖巡江巡河巡捕巡司等官共四十員
座哨戰船共一百四十二隻 水手共一百名

添設遊兵除江道不用外每遇春夏水漲之時東湖
梅歧寨添委饒州所百戶一員帶領哨船八隻精兵

一百四十名蛇山寨添委饒州所百戶一員帶領哨
船七隻精兵一百三十名往來巡邏

圖書編卷五十八